

Broj: 03-02-1200/2021
Sarajevo, 19.11.2021. godine

PARLAMENT FEDERACIJE
BOSNE I HERCEGOVINE

19-11-2021

Broj	Prilog	Rednošć
01,02 - 02 -	1981	21

3

- Dom naroda
gosp. Tomislav Martinović, predsjedavajući
- Predstavnički dom
gosp. Mirsad Zaimović, predsjedavajući ✓

PREDMET: Odgovor Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Odgovor u vezi sa zahtjevom za davanje mišljenja o Prijedlogu zakona o izmjenama i dopunama Zakona o bibliotečkoj djelatnosti Federacije Bosne i Hercegovine – skraćeni postupak, kojeg su podnijeli Vibor Handžić, delegat u Domu naroda i Sabina Čudić, poslanik u Predstavničkom domu Parlamenta Federacije BiH, a koji je Vlada Federacije Bosne i Hercegovine utvrdila na 291. sjednici, održanoj 18.11.2021. godine.**

Odgovor se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadil Novalić

Prilog: - kao u tekstu na bosanskom jeziku i
- Zakon o bibliotečkoj djelatnosti („Službeni list R BiH“, broj 37/95)

**Cc: Federalno ministarstvo kulture i sporta
gđa Zora Dujmović, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), na prijedlog federalnog ministra kulture i sporta, Vlada Federacije Bosne i Hercegovine je, na 291. sjednici, održanoj 18.11.2021. godine, utvrdila sljedeći

ODGOVOR

U vezi akta Doma naroda Parlamenta Federacije BiH, broj: 02-02-1981/21 od 13.10.2021. godine, obavještavamo Vas da Vlada Federacije Bosne i Hercegovine ne može dati mišljenje na dostavljeni Prijedlog zakona o izmjenama i dopunama Zakona o bibliotečkoj djelatnosti Federacije Bosne i Hercegovine – skraćeni postupak, kojeg su podnijeli Vitor Handžić, delegat u Domu naroda i Sabina Čudić, poslanik u Predstavničkom domu Parlamenta Federacije Bosne i Hercegovine.

S tim u vezi ističemo da nije moguće dati mišljenje o Prijedlogu zakona o izmjenama i dopunama Zakona o bibliotečkoj djelatnosti Federacije Bosne i Hercegovine („Službene novine Federacije BiH“, broj 37/95), jer Zakon o bibliotečkoj djelatnosti nije donesen u Federaciji Bosne i Hercegovine.


Zakon o bibliotečkoj djelatnosti je državni zakon, koji je donesen na nivou Republike Bosne i Hercegovine i objavljen je u „Službenom listu R BiH“, broj 37/95.

V. broj: 1/35 /2021
18.11.2021. godine
Sarajevo



PREMIJER
Fadil Novalić

666381

0201
12/02 '10
12:57**SLUŽBENI LIST**
REPUBLIKE BOSNE I HERCEGOVINE**СЛУЖБЕНИ ЛИСТ**
РЕПУБЛИКЕ БОСНЕ И ХЕРЦЕГОВИНЕ

Godina IV - Broj 37

Ponedjeljak, 2. oktobra/ listopada 1995.
SARAJEVOAkontacija pretplate
za izvršuje
kvartalna

439

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ**O PROGLAŠENJU ZAKONA O DAVANJU GARANCIJA, SUPERGARANCIJA I DRUGIH OBLIKA JEMSTVA PREMA INOSTRANSTVU**

Proglašava se Zakon o davanju garancija, supergarancija i drugih oblika jemstva prema inostranstvu, koji je Skupština Republike Bosne i Hercegovine donijela na sjednici Skupštine od 17. i 18. septembra 1995. godine.

PR broj 1841/95
26. septembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON**O DAVANJU GARANCIJA, SUPERGARANCIJA I DRUGIH OBLIKA JEMSTVA PREMA INOSTRANSTVU****Član 1.**

Narodna banka Bosne i Hercegovine (u daljem tekstu: Narodna banka) može davati garancije, supergarancije i druge oblike jemstva u svoje ime, a na račun Republike Bosne i Hercegovine, u skladu sa ovim zakonom, u svrhu osiguranja investicionih transakcija, uvoza i izvoza roba i usluga i viših oblika poslovno-tehničke saradnje sa inostranstvom domaćim pravnim licima koja su od posebnog značaja za Republiku (u daljem tekstu: "domaća pravna lica").

U posebnim slučajevima i po poslovima iz člana 1. ovog zakona, a u skladu sa odlukom Vlade Republike Bosne i Hercegovine (daljem tekstu: "Vlada"), Narodna banka se može pojaviti direktno i izdati garancije ili drugi oblik jemstva.

Član 2.

Narodna banka može izdavati garancije, supergarancije ili druge oblike jemstva kao i vršiti potvrđivanje akreditiva prema inostranstvu u skladu sa članom 1. ovog zakona, pod uslovom da domaće pravno lice obezbijedi prethodno garancije ili druge oblike jemstva, odnosno otvaranje akreditiva od strane domaćih banaka ovlaštenih za poslove sa inostranstvom.

U posebnim slučajevima i po poslovima iz člana 1. ovog zakona, a u skladu sa odlukom Vlade Republike Bosne i Hercegovine (daljem tekstu: "Vlada"), Narodna banka se može pojaviti direktno i izdati garancije ili drugi oblik jemstva.

Član 3.

Narodna banka je dužna da u skladu sa ustaljenom bankarskom praksom pribavi instrumente obezbjeđenja od domaćih pravnih lica za garanciju, supergaranciju ili drugi oblik jemstva izdati u skladu sa članom 2. ovog zakona.

Član 4.

Odluku o angažovanju Narodne banke u skladu sa ovim zakonom donosi Vlada na osnovu usaglašenog prijedloga Ministarstva finansija-Ministarstva finansija i Narodne banke.

Član 5.

Bliže uslove i kriterijume za primjenu čl. 2. i 3. ovog zakona propisat će Narodna banka.

Član 6.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lasković, s. r.

440

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ**O PROGLAŠENJU ZAKONA O BIBLIOTEČKOJ DJELATNOSTI**

Proglašava se Zakon o bibliotečkoj djelatnosti, koji je Skupština Republike Bosne i Hercegovine donijela na sjednici Skupštine od 17. i 18. septembra 1995. godine.

PR broj 1842/95

Predsjednik

Sarajevo

Predsjedništvo RBiH,
Alija Izetbegović, s. r.

ZAKON**O BIBLIOTEČKOJ DJELATNOSTI****1- OSNOVNE ODREDBE****Član 1.**

Ovim zakonom uređuje se obavljanje bibliotečko djelatnosti koja obuhvata: sistematsko prikupljanje, stručnu obradu, čuvanje, pohranjivanje i davanje na korišćenje bibliotečke građe, prikupljanje informacija o toj građi, kao i obavezno dostavljanje štampanog materijala.

Član 2.

Bibliotečka građa u smislu člana 1. ovog zakona obuhvata: knjige, brošure, časopise, novine, separatne, diserte, kataloge, prospekte, plakate, štampane letke, kartografske publikacije, standarde, patente, muzička djela, reprodukcije likovnih djela, razglednice, kalendare, fotografije, mikrosfilmove, dijami-krokarice, gramofonske ploče, tonske kasete, video-kasete, magnetofonske i magnetne trake, diskove, rukopise i drugu građu namijenjenu bibliotečkoj djelatnosti.

Član 3.

Pod štampanim materijalom u smislu člana 1. ovog zakona podrazumijeva se bibliotečka grada iz člana 2. ovog zakona, kao i svaki drugi materijal namijenjen javnosti koji je izrađen na štamparskoj mašini ili umnožen nekim drugim mehaničkim, hemijskim ili elektronskim putem.

Član 4.

Bibliotečka djelatnost je djelatnost od posebnog društvenog interesa.

Član 5.

Bibliotečku djelatnost obavljaju biblioteke.

Biblioteka se osniva kao ustanova (u daljem tekstu: samostalna biblioteka).

Biblioteka se može organizirati i kao dio ustanove, preduzeća ili drugog pravnog lica (u daljem tekstu: biblioteka u sastavu).

Član 6.

Na samostalne biblioteke primjenjuje se Zakon o ustanovama ("Službeni list RBiH", br. 6/92, 8/93 i 13/94), ako ovim zakonom nije drugačije određeno.

Na biblioteke u sastavu primjenjuju se opći propisi, ako ovim zakonom nije drugačije određeno.

Član 7.

Biblioteka, prema namjeni, može biti nacionalna, javna, školska, visokoškolska, univerzitetska i specijalna.

Nacionalna biblioteka je centralna biblioteka koja prikuplja, stručno obrađuje, čuva i daje na korišćenje prvenstveno bibliotečku gradnju koja je nastala odnosno koja se odnosi na Republiku Bosnu i Hercegovinu (u daljem tekstu: Republika), objedinjuje i unapređuje poslove bibliotečke djelatnosti u Republici i namijenjena je općim obrazovanju, informiranju i zadovoljavanju kulturnih i drugih potreba stanovništva.

Javna biblioteka namijenjena je općem obrazovanju, informiranju i zadovoljavanju kulturnih i drugih potreba stanovništva.

Školska biblioteka namijenjena je potrebama izvođenja i unapređivanja odgojno-obrazovnog rada u osnovnoj i srednjoj školi.

Visokoškolska odnosno univerzitetska biblioteka namijenjena je potrebama izvođenja i unapređivanja nastavnog i naučnog živačkog rada u visokoškolskoj ustanovi odnosno na univerzitetu.

odnosno stručnom radu, kao i zadovoljavanju drugih potreba ustanova, preduzeća, državnih organa, udruženja građana, vjerskih zajednica i drugih pravnih lica.

Nacionalna i javna biblioteka osniva se kao samostalna biblioteka.

Školska, visokoškolska, univerzitetska i specijalna biblioteka može se osnovati kao samostalna biblioteka odnosno organizirati kao biblioteka u sastavu.

II - PRIKUPLJANJE, OBRADA, ČUVANJE I KORIŠĆENJE BIBLIOTEČKE GRADE

Član 8.

Bibliotečka grada prikuplja se preuzimanjem obaveznog primjerka štampanog materijala, kupovinom, razmjenom, poklonom i zavještanjem.

Pod obaveznim primjerkom štampanog materijala iz stava 1. ovog člana podrazumijeva se štampani materijal iz člana 42. ovog zakona.

Ugovor o kupovini, razmjeni i poklonu bibliotečke grade sastavlja se u pismenom obliku.

Član 9.

Bibliotečka grada stručno se obrađuje primjenom jedinstvenog načina obrade bibliotečke grade zasnovanog na međunarodnim standardima.

Član 10.

Bibliotečka grada čuva se u skladu sa tehničko-zaštitnim drugim propisanim mjerama.

Mjere iz stava 1. ovog člana propisuje ministar obrazovanja, nauke, kulture i sporta (u daljem tekstu: ministar), prijedlog Nacionalne i univerzitetske biblioteke Bosne i Hercegovine (u daljem tekstu: Biblioteka BiH).

Član 11.

Bibliotečka grada dostupna je svim korisnicima.

Bliže uvjeti i način korišćenja bibliotečke grade utvrđuju pravilima biblioteke.

Član 12.

Bibliotečka grada rashoduje se nakon izvršene revizije prijedlog komisije koju obrazuje upravni odbor biblioteke skladu sa pravilima biblioteke.

Član 13.

Pravno i fizičko lice koje se bavi izdavačkom djelatnošću ili prodajom bibliotečke grade dužno je da bibliotečku gradnju koju namjerava da rashoduje, prethodno ponudi na otkup bližoj javnoj biblioteci na svom području, a ako ta biblioteka nije zainteresirana za otkup, dužno je da o tome bez odlaganja obavijesti Biblioteku BiH.

Član 14.

U slučaju prestanka rada biblioteke njen osnivač će odrediti biblioteku ili drugo pravno lice koje će preuzeti biblioteku gradnju biblioteke koja prestaje sa radom.

Član 15.

Zaštita i korišćenje stare i rijetke knjige, kao dobra kulturno-historijskog naslijeđa, uređuje se u skladu sa propisima o zaštiti i korišćenju kulturno-historijskog i prirodnog naslijeđa.

Stara i rijetka knjiga, u smislu ovog zakona, je rukopisna knjiga i rukopis, štampana knjiga, periodika i drugi književni materijal posebne vrijednosti ili rijetkosti nastao do 19. godine, kao i rijetka knjiga, periodično izdanje i druga grada posebne vrijednosti ili rijetkosti nastala poslije 19. godine.

III - BIBLIOTEKA

1. Zajedničke odredbe

Član 16.

Samostalna biblioteka može početi da obavlja djelatnost: je obezbjeđen odgovarajući fond bibliotečke grade, prostora i oprema za obavljanje bibliotečke djelatnosti i potreban broj stručnih bibliotečkih radnika.

Bliže uvjete odnosno standarde za uvjete iz stava 1. ovog člana utvrđuje ministar na prijedlog Biblioteke BiH.

Član 17.

Biblioteka:

- utvrđuje potrebe, prikuplja, stručno obrađuje, čuva i obnavlja bibliotečku gradnju;

- osigurava efikasno korišćenje bibliotečke grade i pruža pomoć pri izboru i korišćenju ove grade;

- vodi kataloge i drugu dokumentaciju o bibliotečkoj gradnji;

- dostavlja Biblioteci BiH podatke za centralni katalog inostranih publikacija, a Biblioteci koja obavlja matične poslove bibliotečke djelatnosti iz člana 27. ovog zakona (u daljem tekstu: matična biblioteka) podatke za druge centralne kataloge bibliotečke grade i učestvuje u njihovom formiranju;

- vodi evidenciju o bibliotečkoj građi, o korisnicima i o korišćenju bibliotečke grade i vrši statističku obradu evidentiranih podataka;

- izdaje kataloge, bibliografije i druge bibliotečke publikacije i redovno informike korisnike o bibliotečkoj građi;

- saraduje sa drugim informacionim centrima u forsiranju baze podataka, organiziranom protoku informacija i unapređivanju informacione dokumentacionih poslova;

- učestvuje u međubibliotečkoj pozajmici bibliotečke grade.

Član 18.

Stručne poslove bibliotečke djelatnosti obavljaju lica sa odgovarajućom stručnom spremom, položenim stručnim ispitom i stručnim zvanjem.

Lice koje prvi put zasniva radni odnos u biblioteci dužno je da nakon isteka najmanje jedne a najviše dvije godine obavljanja poslova bibliotečke djelatnosti položi stručni ispit za obavljanje bibliotečke djelatnosti.

Licu koje u utvrđenom roku ne položi stručni ispit, prestaje radni odnos u biblioteci ako ne prihvati raspored na drugo radno mjesto koje odgovara njegovim stručnim sposobnostima ili ako u biblioteci nema takvog radnog mjesta.

Program polaganja stručnog ispita, način polaganja i izdavanja uvjerenja o položenom stručnom ispitu, kao i uvjeti i način sticanja stručnih zvanja u bibliotečkoj djelatnosti, utvrđuju se bližim propisom koji donosi ministar, na prijedlog Biblioteke BiH.

Član 19.

U cilju potpunog informiranja o bibliotečkoj građi koju posjeduju međusobne i međunarodne razmjene informacija, te zajedničkog korišćenja bibliotečke grade, Biblioteka BiH, samostalne biblioteke i biblioteke u sastavu povezuju se preko matične biblioteke u Bibliotečko-informacioni sistem Republike.

Bibliotečko-informacioni sistem Republike sastavni je dio sistema naučno-tehnoloških informacija u Republici i u cilju formiranja baze podataka i organiziranog protoka informacija povezuje se sa istim sistemima u drugim državama, kao i sa drugim informacionim sistemima na teritoriji Republike.

Član 20.

Bibliotečko-informacioni sistem Republike ostvaruje se:

- evidentiranjem, prikupljanjem i iskazivanjem podataka i informacija o biblioteci i o građi u biblioteci;

- stručnom obradom bibliotečke grade i informacija;

- vođenjem i ažuriranjem kataloga, baza podataka i druge dokumentacije o bibliotečkoj građi na jedinstven način;

- zajedničkim formiranjem centralnih kataloga i baza podataka bibliotečke grade;

- razvijanjem i unapređivanjem međubibliotečke pozajmice;

- obavljanjem matičnih poslova bibliotečke djelatnosti.

Biblioteka BiH je centar Bibliotečko-informacionog sistema Republike.

Član 21.

Rad biblioteke je javan.

Obavljanje javnosti rada bliže se utvrđuje pravilima biblioteke.

Član 22.

Nadzor nad zakonitosti rada biblioteke vrši općinski odnosno gradski organ uprave nadležan za poslove kulture na čijem je području sjedište biblioteke, a nadzor nad zakonitosti rada Biblioteke BiH vrši Ministarstvo obrazovanja, nauke, kulture i sporta.

2. Javna biblioteka

Član 23.

Javna biblioteka je javna ustanova u državnoj svojini.

Član 24.

Pored poslova iz člana 17. ovog zakona, javna biblioteka:

- osigurava uvjete za korišćenje bibliotečke grade širenjem mreže odjeljenja i pokretnih biblioteka;

- samostalno i u saradnji sa ostalim bibliotekama obrazuje i čuva zavičajnu zbirku;

- samostalno i u saradnji sa kulturnim, obrazovnim i drugim ustanovama, preduzećima i drugim pravnim licima organizira izložbe i druge oblike razvijanja interesa za bibliotečku građu i bibliotečku djelatnost.

Član 25.

Radi obrazovanja zavičajne zbirke, javna biblioteka dužna je da prikuplja i čuva po jedan primjerak štampanog materijala koji je objavljen na području na kojem biblioteka djeluje.

Javna biblioteka dužna je da prikupi i čuva u zavičajnoj zbirci i štampani materijal koji je objavljen van područja na kojem biblioteka djeluje ako se odnosi na to područje, kao i djela autora koji su porijeklom ili djeluju na tom području.

Javna biblioteka ne može otuđiti obavezni primjerak štampanog materijala, kao ni primjerak iz zavičajne zbirke.

Član 26.

Ministarstvo obrazovanja, nauke, kulture i sporta, na prijedlog Biblioteke BiH rješenjem određuje jednu od javnih biblioteka sa područja jedne ili više općina kao matičnu biblioteku za to područje.

Član 27.

Matični poslovi bibliotečke djelatnosti su:

- povezivanje biblioteka u bibliotečko-informacioni sistem;

- razvoj i unapređivanje stručnog rada biblioteka;

- vođenje evidencije o bibliotekama;

- vođenje centralnih kataloga bibliotek;

- pružanje stručne pomoći i vršenje stručnog nadzora nad radom biblioteka;

- posredovanje u međubibliotečkoj pozajmici;

- uskladjivanje nabavke bibliotečke grade biblioteka;

- staranje o stručnom usavršavanju bibliotečkih radnika.

Član 28.

Se neposredno izvodi u radu matična biblioteka za prikupljanje, obradu, čuvanje i korišćenju bibliotečke grade.

Biblioteka je dužna da matičnoj biblioteci dostavi obavještenja i podatke potrebne za vršenje stručnog nadzora, kao i da licu ovlaštenom za vršenje tog nadzora omogući neposredan nadzor.

Član 29.

U obavljanju stručnog nadzora matična biblioteka donosi rješenja kojim se narednje otklanjanje utvrđenih nedostataka u određenom roku.

Protiv rješenja iz stava 1. ovog člana može se izjaviti žalba organu uprave koji vrši nadzor nad zakonitosti rada matične biblioteke, u roku od 15 dana od dana prijema rješenja.

3. Biblioteka BiH

Član 30.

Biblioteka BiH je javna ustanova u državnoj svojini.

Prava i obaveze osnivača prema Biblioteci BiH vrši Skupština Republike Bosne i Hercegovine.

Član 31.

Biblioteka BiH je centralna matična biblioteka u Republici, a prema namjeni je nacionalna i univerzitetska biblioteka.

Član 32.

Biblioteka BiH kao nacionalna biblioteka:

1. prikuplja, stručno obrađuje, čuva i daje na korišćenje:
 - Bosničku odnosno bibliotečku građu sa teritorije Republike, bibliotečku građu koja se odnosi na Republiku, rukopise i prepisku istaknutih ličnosti sa teritorije Republike i druge rukopise koji se odnose na Republiku, djela bosanskohercegovačkih pisaca objavljenih u Republici i u inostranstvu i strana djela koja se odnose na Republiku;
 - staru i rijetku knjigu,
 - strane publikacije,
 - službene publikacije;
2. prima, čuva i raspoređuje obavezne primjerke štampnog materijala;
3. objavljuje tekuću i retrospektivnu opću bibliografiju Bosne i Hercegovine i druge posebne bibliografije i stara se o unaprijeđivanju bibliografskog rada;
4. obavlja funkciju nacionalne agencije za ISSN i ISBN broj;
5. vrši katalogizaciju u publikaciji - CIP u saradnji sa izdavačima na teritoriji Republike;
6. vrši međubibliotečku pozajmicu sa bibliotekama u zemlji i inostranstvu;
7. vrši razmjenu publikacija sa bibliotekama u zemlji i inostranstvu;
8. organizira sistem centralnog kataloga bibliotečke građe za Republiku;
9. vodi centralni katalog inostranih publikacija;
10. brine se o zaštiti biblioteka i bibliotečke građe koje imaju svojstvo dobra kulturno-historijskog naslijeđa, te vrši zaštitu oštećene i ugrožene bibliotečke građe;
11. koordinira nabavku stranih publikacija;
12. predstavlja Republiku u međunarodnim bibliotečkim asocijacijama i srodnim organizacijama i uspostavlja saradnju sa njima;
13. predstavlja deponitarnu biblioteku publikacija UN i UNESCO, te drugih međunarodnih organizacija;
14. snabdijeva biblioteke u Republici bibliografskim zapisima;
15. vrši funkciju centra za međunarodni sistem isporuke dokumenata;
16. obavlja naučnoistraživački rad i raspoređuje rezultate tih istraživanja.

Član 33.

Biblioteka BiH kao univerzitetska biblioteka:

- doprinosi unaprijeđenju nastavnog i naučnoistraživačkog rada na visokoškolskim ustanovama stvaranjem bibliotečke mreže i bibliotečko-informacionog sistema univerziteta;
- prima odnosno prikuplja, čuva i daje na korišćenje deponovani primjerak doktorskih disertacija i magistarskih radova odbranjenih na univerzitetima u Republici i inostranstvu;
- prima, čuva i daje na korišćenje naučnoistraživačke projekte koje finansira Republika;
- istražuje, prikuplja i održava baze podataka o izvornim informacijama u Republici za potrebe visokoškolskog obrazovanja i naučnoistraživačkog rada.

Član 34.

Biblioteka BiH kao centralna matična biblioteka u Republici:

- povezuje biblioteke u bibliotečko-informacioni sistem u Republici i uključuje ih u svjetske informacione sisteme;

- organizira naučnoistraživački rad iz bibliotečke djelatnosti, a posebno rad na programiranju razvoja bibliotečko-informacione djelatnosti i izrađuje projekte bibliotečko-informacionog sistema u Republici, te objavljuje rezultate tog radnog
- daje uputstva o primjeni međunarodnih standarda u bibliotečkoj djelatnosti;

- pruža stručnu pomoć bibliotekama i izrađuje metode uputstva, normative i standarde za organiziranje stručnog radnog uvođenje i primjenu računarske i druge tehnike, kao i projektovanje i opremanje prostora;

- obavlja stručni nadzor nad radom biblioteka i stara se o primjeni standarda i normativa iz bibliotečke djelatnosti;

- organizira polaganje stručnih ispita i druge oblike stručnog usavršavanja bibliotečkih kadrova i izdaje uvjere o tome, u skladu sa svojim pravilima;

- pomaže transformaciju postojećih i stvaranje novih biblioteka;

- koordinira rad matičnih biblioteka;

- podstiče i organizira saradnju biblioteka u Republici u koordinaciji nabavke, prikupljanju, obradi i protoku informacija i na međubibliotečkoj pozajmici;

- prati i proučava stanje, potrebe i uvjete rada i razvoja biblioteka u Republici, priprema i informativno-analitičke izvještaje i predlaže mjere za unaprijeđivanje bibliotečke djelatnosti;

- obrazuje korisnike bibliotečko-informacionog sistema sistema naučno-tehnoloških informacija.

Član 35.

Pored poslova iz čl 32. do 34. ovog zakona, Biblioteka i obavlja i slijedeće poslove;

- bavi se teorijom i praksom stvaranja, prenosa, skupljanja pohranjivanja i korišćenja informacija;

- vrši potraživanje domaćih i stranih baza podataka i omogućava dostupnost svjetskim izvorima znanja i informacije;

- obavlja poslove referalnih djelatnosti u Republici i pružuje se sa drugim referalnim centrima u zemlji i inostranstvu;

- obavlja i druge poslove utvrđene ovim zakonom i pravilima biblioteke.

Član 36.

Za obavljanje poslova iz člana 34. ovog zakona Biblioteka BiH obrazuje savjetodavni stručni organ iz reda naučnih stručnih radnika iz bibliotečke i drugih odgovarajućih djelatnosti.

Savjetodavni stručni organ obrazuje se u skladu sa pravilima Biblioteka BiH.

IV - UPRAVLJANJE

Član 37.

Samostalnom bibliotekom upravlja upravni odbor.

Pored poslova utvrđenih u člann 27. Zakona o ustanovama upravni odbor biblioteke:

- odlučuje o popuni, reviziji i rashodovanju bibliotečke građe;

- odlučuje o organiziranju odjeljenja i pokretnih biblioteka u sjedištu ili izvan sjedišta biblioteke;

- utvrđuje način korišćenja bibliotečke građe;

- utvrđuje način propagande i popularizacije knjige.

Član 38.

Samostalnom bibliotekom rukovodi direktor.

Za direktora može biti imenovano lice koje ima v stručnu spremu.

Blizi uvjeti za imenovanje direktora utvrđuju se pravilima biblioteke.

1995. godine

SLUŽBENI LIST RBiH

Broj 37 - Strana 917

Samostalne biblioteke imenuje se za vrijeme od
i može biti ponovo imenovan.

SREDSTVA ZA RAD

Član 39.

Sredstva za rad samostalnih biblioteka osiguravaju se u skladu sa općim propisima o finansiranju ustanova, propisima o finansiranju javne potrošnje i drugim propisima o finansiranju kulture.

VI - DOSTAVLJANJE ŠTAMPANOG MATERIJALA

Član 40.

Radi očuvanja svih štampanih materijala kao kulturnih vrijednosti i omogućavanja njihovog proučavanja i korišćenja, svako pravno i fizičko lice koje se bavi štampanjem i umnožavanjem štampanog materijala, dužno je Biblioteci BiH besplatno i o svom trošku dostaviti 10 primjeraka od svakog štampanog materijala.

Odredba stava 1. ovog člana odnosi se i na pravna i fizička lica iz Republike koja se bave izdavačkom djelatnošću ili štampanjem kada štampaju ili umnožavaju štampane materijale u inostranstvu.

Član 41.

Izdavač zvaničnih publikacija dužan je za potrebe međunarodne razmjene zvaničnih publikacija Biblioteci BiH besplatno i o svom trošku dostaviti 15 primjeraka svakog štampanog materijala koji ima karakter zvanične publikacije.

Pod zvaničnom publikacijom iz stava 1. ovog člana podrazumjeva se svaki štampani materijal koji izda društveno-politička zajednica ili njen organ kao svoje zvanično izdanje.

Član 42.

Biblioteka BiH zadržava za sebe dva primjerka štampanog materijala iz člana 40. ovog zakona, a po jedan primjerak dostavlja javnoj biblioteci odnosno drugoj organizaciji koju rješenjem odredi ministar, na prijedlog Bibliotek BiH.

VII - KAZNENE ODREDBE

Član 43.

Novčanom kaznom od 1.000 do 5.000 DEM kaznit će se za prekršaj biblioteka, ako:

1. ne čuva bibliotečku građu u skladu sa tehničko-zaštitnim i drugim propisanim mjerama (član 10);

2. ne dostavi matičnoj biblioteci obavještenje i podatke potrebne za vršenje stručnog nadzora ili ne omogući

2);

3. ne otkloni nedostatke utvrđene u vršenju stručnog nadzora u roku utvrđenom rješenjem (član 29. stav 1).

Za prekršaj iz stava 1. ovog člana kaznit će se i odgovorno lice u biblioteci novčanom kaznom od 500 do 2.000 DEM.

Član 44.

Novčanom kaznom od 1.000 do 3.000 DEM kaznit će se za prekršaj javna biblioteka, ako:

1. ne vodi kataloge, dokumentaciju i propisane evidencije o bibliotečkoj građi (član 17. al. 3, 5. i 6);

2. ne dostavlja Biblioteci BiH podatke za centralni katalog inostranih publikacija a matičnoj biblioteci podatke za druge centralne kataloge bibliotečke građe. (član 17. alineja 4);

3. odbije da učestvuje u međubibliotečkoj pozajmici (član 17. alineja 8);

4. otuđi obavezni primjerak štampane stvari, kao i primjerak iz zavičajne zbirke (član 25. stav 3).

Za prekršaj iz stava 1. ovog člana kaznit će se i odgovorno lice u javnoj biblioteci novčanom kaznom od 500 do 1.000 DEM.

Član 45

Novčanom kaznom od 2.000 do 3.000 DEM kaznit će se za prekršaj pravno lice koje se bavi izdavačkom djelatnošću ili prodajom bibliotečke građe, ako postupi suprotno odredbama člana 13. ovog zakona.

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 DEM.

Za prekršaj iz stava 1. ovog člana kaznit će se fizičko lice kao samostalni privrednik novčanom kaznom od 1.000 do 2.000 DEM.

Član 46.

Novčanom kaznom od 1.000 do 3.000 DEM kaznit će se za prekršaj pravno lice koje se bavi izdavačkom djelatnošću ili štampanjem i umnožavanjem štampanog materijala, ako Biblioteci BiH besplatno i o svom trošku ne dostavi 10 primjeraka od svakog štampanog materijala (član 40. st. 1. i 2).

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 DEM.

Za prekršaj iz stava 1. ovog člana kaznit će se fizičko lice kao samostalni privrednik novčanom kaznom od 1.000 do 2.000 DEM.

Član 47.

Novčanom kaznom od 1.000 do 3.000 DEM kaznit će se za prekršaj izdavač zvaničnih publikacija ako za potrebe međunarodne razmjene zvaničnih publikacija Biblioteci BiH besplatno i o svom trošku ne dostavi 15 primjeraka svakog štampanog materijala koji ima karakter zvanične publikacije (član 41).

Za prekršaj iz stava 1. ovog člana kaznit će se i odgovorno lice u pravnom licu novčanom kaznom od 500 do 1.000 DEM.

Član 48.

Novčane kazne iz čl. 43. do 47. ovog zakona obračunavaju se u dinarskoj protuvrijednosti po srednjem kursu koji utvrđuje i objavljuje Narodna banka Bosne i Hercegovine na dan uplate.

VIII - PRIJELAZNE I ZAVRŠNE ODREDBE

Član 49.

Skupština općine odnosno skupština gradske zajednice na čijem je području sjedište narodne biblioteke donijet će odluku o zadržavanju odnosno preuzimanju prava osnivača prema narodnoj biblioteci, u roku od tri mjeseca od dana stupanja na snagu ovog zakona.

Narodna biblioteka za koju skupština općine odnosno ovog člana nastavlja rad kao javna biblioteka.

Član 50.

Danom stupanja na snagu ovog zakona Narodna i univerzitetska biblioteka Bosne i Hercegovine nastavlja rad pod nazivom: "Nacionalna i univerzitetska biblioteka Bosne i Hercegovine".

Član 51.

Postojeće biblioteke dužne su da usklade organizaciju i djelatnost sa odredbama ovog zakona, a samostalne biblioteke i da donesu pravila biblioteke, u roku od tri mjeseca od dana njegovog stupanja na snagu.

Izuzetno od odredbe stava 1. ovog člana, narodne biblioteke iz člana 49. ovog zakona dužne su da usklade organizaciju i djelatnost i da donesu pravila biblioteke, u roku od tri mjeseca od dana donošenja odgovarajuće odluke skupštine općine odnosno skupštine gradske zajednice.

Član 52.

Lica koja su položila stručni ispit u skladu sa propisima koji su važili do dana stupanja na snagu ovog zakona, nisu dužna polagati stručni ispit u skladu sa ovim zakonom.

broj 37 - Strana 918

SLUŽBENI LIST R BiH

Ponedjeljak, 2. oktobra 1995.

Zatočena lica koja obavljaju bibliotečku djelatnost najmanje 15 godina ili su stekli naučni stepen magistra ili doktora nauka u bibliotečkoj djelatnosti, nisu dužna polupati stručni ispit za obavljanje bibliotečke djelatnosti u skladu sa ovim zakonom.

Ostala zatočena lica dužna su da polože stručni ispit za obavljanje bibliotečke djelatnosti, u roku od dvije godine od dana stupanja na snagu ovog zakona.

Član 53.

Ministar će donijeti bliže propise iz člana 10. stav 2, člana 16. stav 2. i člana 18. stav 4. ovog zakona, u roku od šest mjeseci od dana njegovog stupanja na snagu.

Član 54.

Do donošenja propisa iz člana 10. stav 2. i člana 16. stav 2. ovog zakona primjenjivat će se Pravilnik o tehničko-zaštitnim i drugim mjerama za čuvanje bibliotečke građe ("Službeni list SRBiH", broj 12/87) i Pravilnik o uslovima za osnivanje i početak rada biblioteka ("Službeni list SRBiH", broj 16/87).

Član 55.

Danom stupanja na snagu ovog zakona prestaju da važe Zakon o bibliotečkoj djelatnosti ("Službeni list SRBiH", broj 26/86) i Zakon o dostavljanju štampanih stvari određenim organizacijama udruženog rada ("Službeni list SRBiH", br. 10/78 i 12/87 i "Službeni list RBiH", broj 3/93).

Član 56.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

441

Na osnovu Amandmana LXXIII tačka 1. stav 7. na Ustavu Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA I DOPUNAMA ZAKONA O PRIMJENI ZAKONA O IZVRŠENJU KRIVIČNIH I PREKRŠAJNIH SANKCIJA

Proglašava se Zakon o izmjenama i dopunama Zakona o primjeni Zakona o izvršenju krivičnih i prekršajnih sankcija, koji je Skupština Republike Bosne i Hercegovine, donijela na sjednici Skupštine od 17. i 18. septembra 1995. godine.

26. septembra 1995. godine
Sarajevo

Predsjedništvo RBiH,
Alija Izetbegović, s. r.

ZAKON

O IZMJENAMA I DOPUNAMA ZAKONA O PRIMJENI ZAKONA O IZVRŠENJU KRIVIČNIH I PREKRŠAJNIH SANKCIJA

Član 1.

U Zakonu o primjeni Zakona o izvršenju krivičnih i prekršajnih sankcija ("Službeni list RBiH", br. 6/92; 23/92 i 3/94), član 13. briše se.

Član 2.

Član 19. briše se.

Član 3.

U članu 20. riječi: "i stručnim ispitima" brišu se.

Član 4.

Iza člana 21. dodaju se novi čl. 21a i 21b, koji glasi:

*Član 21a.

Ministar može odlučiti da se prenosu objekti, sredstva i druga sredstva i inventar sa jedne na drugu kaznu pravnu organizaciju bez naknade.

Član 21b.

Privredne jedinice kazneno-popravnih organizacija plaćaju porez na dobit.

Ostvarenu dobit privrednih jedinica kazneno-popravnih organizacija po obračunu usmjerava i raspoređuje Ministar na prijedlog upravnika kazneno-popravnih organizacija.

Član 5.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

442

Na osnovu Amandmana LXXIII tačka 1. stav 7. na Ustavu Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA ZAKONA O ŠUMAMA

Proglašava se Zakon o izmjenama Zakona o šumama, koji je Skupština Republike Bosne i Hercegovine, donijela na sjednici Skupštine od 17. i 18. septembra 1995. godine.

PR broj 1844/95
26. septembra 1995. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O IZMJENAMA ZAKONA O ŠUMAMA

Član 1.

U Zakonu o šumama ("Službeni list RBiH", br. 2/13/94 i 9/95), u članu 42. stav 3. mijenja se i glasi:

"Iznimno od odredbe stava 1. ovog člana, ako ne postoji objektivna mogućnost pravovremene izrade nove osnovne šumama će se gospodarišiti na osnovu godišnjih planova gospodarenja."

Iza stava 3. dodaje se novi stav 4. koji glasi:

"vijeće osnovne za broj godina u kojima se gospodarišiti na osnovu godišnjeg plana gospodarenja."

Član 2.

Ovaj zakon stupa na snagu narednog dana od dana objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

443

Na osnovu Amandmana LXXIII tačka 1. stav 7. na Ustavu Republike Bosne i Hercegovine, Predsjedništvo Republike Bosne i Hercegovine, donosi